

## Universitätsbibliothek Paderborn

### **Mirabilis Vita Venerabilis Virginis Marinæ De Escobar Vallisoletanæ**

Deprompta ex ijs, quæ ipsamet jussu Patrum suorum Spiritualium  
consignavit

Vitæ Venerabilis Virginis Marinæ De Escobar. Pars Prima

**Puente, Luis de la**

**Pragæ, 1672**

Cap. 2. Quomodo illi Deus manifestaverit modum, quo animæ puniuntur in  
Purgatorio, ac de ardenti ipsius desiderio, earundem juvandarum.

**urn:nbn:de:hbz:466:1-38580**

## CAPUT II.

Quomodo illi DEUS manifestaverit modum,  
quo animæ puniuntur in Purgatorio, ac de ardenti ipsius desiderio,  
earundem juvandarum.



*Uo profitetur sancta nostra  
Fides, que sunt certis casib;  
instar janue, ac adi-  
tus, ut justi ingrediantur  
in cœlestem gloriam. Al-  
terum est, Purgatorium.  
ignis, ubi purgantur animæ, & luunt pa-  
nas suorum peccatorum, pro quibus non sa-  
tisfecerunt in hac vita, cuius jam facta est  
aliqua mentio. Alterum, sunt Indulgen-  
tia Ecclesia, & preces, ac opera satisfactoria,  
que vivi applicant defunctis, ut illos libe-  
rent ex Purgatorio. De utroque Mariana  
multas habuit revelationes, utrumque con-  
firmantes.*

§. I.  
Quām sint graves hæc pœnæ?


**I**n primis pro solatio vivorum, qui pati-  
untur graves afflictiones, fuit à D E O e-  
docta, quanto sit melius satisfacere hæc pro  
peccatis, quam hanc satisfactionem differre  
ad Purgatorium, cuius cruciatus sunt incom-  
parabiliter graviores. Quodam die,  
ait, rogabam D E U M instantissimè, ut  
liberaret, si ei placeret, quandam infirmū  
ab acerbissimiis calculi doloribus, quos pa-  
tiebatur; persolutum enim in Purgato-  
rio, quod deberet pro suis peccatis, quo-  
rum esset reus, si propterea Divina Maj-  
estas illi hic immitteret hos dolores. Re-  
spondit Dominus: Noli me tuis precibus  
inducere ad id faciendum, quia meritò de  
te postea hæc anima queretur, ubi luerit  
pœnas Purgatoriij. Ego autem dixi D E O:  
Mi D E U S, multum est, pati in Purgato-  
rio, cum securitate te non offendendi:  
dum enim hic patimur: dolores & afflictio-  
nes, potest nostra naturalis imbecillitas &  
misericordia deficere in resignatione, vel pati-  
entia, aut similibus, rēque offendere. Tum

D E U S: ego gero curam meorum ser-  
rum, qui cupiunt ac volunt me non offendere, nec illos permittam labi; atque si  
valde magna esset eorum imbecillitas, &  
eò usque pertingeret, quò ego illam pertin-  
gere posse scio, mitigarem ipsorum cruci-  
atus, vel disponerem ipsorum res eo mo-  
do, qui esset convenientissimus eorundem  
saluti. Ego enim sum vester Pater, vester  
Dominus & vester D E U S. Mea anima  
fuit vehementer his mei D E I dictis exhibi-  
tarata.

Aliás orando pro quadam persona, quæ  
egrotaverat multis mensibus, & gravissi-  
mos erat perpessa dolores, cùm esset vici-  
na morti, rogavi unum è meis Angelis, ut  
iret ad opem ipsi illâ horâ ferendam. Re-  
spondit mihi: Non erit necesse, quia pro-  
prius ipsius Angelus illi adest, opemq; fer-  
sufficientem, & fortè in Purgatorio non  
manebit uno horæ quadrante. Mirata-  
sum id: quia in diuturnis morbis, inter-  
acutos dolores, solent intercurrere quadā  
impatientiæ, & querelæ. Dominus auté  
mihi dixit: Noli mirari. Patienim, quod  
à D E O immittitur, tanta estres, ut quā-  
vis non desint multi defectus, ego tamen  
ex hoc simeto eruam margaritam & gem-  
mam, quæ est incomparabilis pretij, ad  
satisfaciendum, pro multis annis Purga-  
torij.

*Existimo hoc dictum fuisse à D E O, quia  
tales infirmi quandoque eliciunt quosdam  
etius heroicos resignationis & conformitatis  
cum Divina voluntate, quæ est principi pre-  
tij in Divino conspectu.*

Præterea illi ostendit D E U S, quām sit  
terribilis ignis Purgatory, ut constat ex vi-  
sione relata præcedenti capite, & alijs dein-  
ceps referendis.



§. II.

## §. II.

Modus & ordo poenatum.

**M**anifestavit ipse quoque modum ac ordinem, quo patiuntur anime, & proportionem, que reperitur in earundem pœnis. Dum, inquit, aliquando manè agerem cum D E O, indicavit ipsius Majestas meæ animæ, velle se illi præstare aliquam peculiarem gratiam. Reluctabatur more solito, quasi non intellexisset, quod rescriberat à suo D E O; & postquam, ultra unam horam, se fuisset conata abstrahere ab eo, quod intellexerat, dixit illi D E U S: Anima, quid agis? veni jam mecum, & videbis, quid tibi sim ostensurus. Atque tum in momento abduxit meam animam, quæ se reperiit constitutam ante quandam locum, qui erat Purgatorium. In hoc loco vidit multas animas, congruis quodammodo & in longum protractis ordinibus dispositas, quarum aliae stabant loco deuissiore, aliae altiore: & quamvis viderentur juxta se confistere, patiebantur tamen singulæ seorsim, atque tam mirabiliter à Divina manu erant collocatae, ut quilibet esset separata ab altera, neque aliam sustineret solitudinem, quam si in eo loco tam spatio ipso unica existeret. Interdum veniebant ad quasdam Angeli D E I, & solabantur illas, atque animabant, dicentes ipsis, quod essent visura D E U M, & eatormenta, non semper duratura. Ardebat illæ animæ in vivis flammis, & cruciabantur gravissime: neque omnes torquebantur eodem modo, & æqualiter. Quod nonnullas summi angebat, erat vehemens desiderium videndi D E I, atque in eo consistebat præcipuum ipsarum Purgatorium. Non vidi illas patientes in ulla corporeæ specie, sed visu spiritualissimo cognoscebam, ac penetrabam spiritualem essentiā earum animarum, quæ illic eo modo luebant & affligebantur.

Aliam visionem notatu dignissimam huc spectantem habuit, quodam Feste Sanctissime Trinitatis. Vidi, inquit, venientes, quasi eminus, tres viros in candido vestitu, induitos quasi angustis albis sacerdotilibus, & tritli vultu. Unus ibat medius,

Ooo 2

eratque altior reliquis duobus, qui stipabant ipsius latera, & quasi pertingebant ad ejus humerum. Pervenerunt ad locum, in quo mecum manebant mei Domini quatuor Angeli, & prostraverunt se humili, ac si ab illis aliquid peterent. Paulò post, accesserunt ad me duo ex meis Angelis, & dixerunt mihi: Scisne, qui sunt isti, cur veniant, & quid petant? Hi (ajebant) fuerunt tres Religiosi idiotæ, & singulariter addicti Sanctissimæ Trinitati; inierant autem pæctum, ut quisque speciali devotione coleret unam è Tribus Divinis Personis, ab eaque postularet quampiam pro se, & pro cæteris duobus virtutem. Id diu egerrunt, sed ex ignorantia erraverunt, exultimantes, Patrem esse majorem Filio, & Filium majorem Spiritu Sancto. Obtinebant autem veniam suorum peccatorum, eò quod ipsis poenituerit erroris; sed sustinuerunt in Purgatorio gravissima tormenta, quæ hunc in modum possint declarari. Qui occupat locum medium, passus est, ac si proceræ vir staturæ comprimeretur & constringeretur, ut evaderet æqualis cuiusparvo: duo verò ipsius comites, ac si parvus aliquis extenderetur, ut fieret par magno. Dixerunt autem nobis, ut, cum patiaris tam multum in isto lecho, atque D E U S exaudiat preces patientium, ab hodierno die, ad Octavam usque Corporis Christi, ores pro illis D E U M, & communices quotidie, offerasque ipsi aliquid extuis cruciatibus, ita enim ipsis liberaturi ex suis. Ego me exhibui promptam ad id præstandum, & tres illi Viri subito disperuerunt. Post aliquot autem dies venerunt Angeli Custodes harum trium animarum, & me spectante, egerunt gratias meis sanctis Angelis, pro collato ipsis beneficio, dicentes, jam illas frui D E O, in Ccelo.

In hac visione est animadvertere, quomodo pana Purgatoriæ sit proportionata peccato, illa enim ignorantia erit culpabilis, quævis fuerint idiotæ, quia eam poterint facile deponere; sed ante suam mortem averterunt à se malum, agendo penitentiam.

¶ 6) H(s)

§. III.

## §. III.

Animæ certò sciunt, se esse salvas.

**A**d modum, quo animæ cruciantur, per-tinet, quod careant afflictione, quam illis posset adferre dubium, sintne damnatae, an non; qua de re illam reddidit certiorem Dominus, dicendo ipsi: Ecce, Anima, re-perire est nonnullos, qui usq; adeò volunt exaggerare tormēta Purgatorij, ut dicant, tanta esse, quanta sunt in Inferno. Ego diligentes me diligo, ideoque me miseret animarum existentium in Purgatorio, & submitto illis aliqua solatia per meos Angelos. Atque esto certa, nullam esse animam in Purgatorio, seu in loco, in quo purgat sua peccata, cui non certissimè con-stit, se esse in via salutis, & statu gratiæ.

## §. IV.

De alijs locis, in quibus cruciantur animæ.

**M**anifestavit illi quoq; Dominus, quas-dam animas cruciari in alijs locis ex-tra Purgatorium ignis, quemadmodum dicit S. Gregorius, quendam Diaconum, nomine Paschasiū, cruciatum fuisse in quibusdam balneis. Cùm, inquit, vehementer affli-gerer à meis doloribus, somniavi, me esse in littore cuiusdam fluminis (fueram enim aliquando singulariter addicta ei recreati-ōni, quam percipiebam ex aspectu aquæ) & sum expergefacta, dixeruntque mihi mei Domini Angeli: Visne à nobis duci ad littus alicujus fluvij, ut te modicūm re-crees istā creaturā, quam DEUS condi-dit in usum hominum? Ego dixi: Non, Domini, malè valeo, non possum. Nos te ducemus, nè sis sollicita (dixerunt illi) & absque mora me duxerunt juxta quandam fluvium Castellæ, constitueruntque me in quadam loco, in quo vidi spatiofa & procul excurrentia littora. In altera lit-toris parte conspexi quatuor pueros, pedi-bus cogentes arenam, & laborantes, sive valde fatigantes, quasi vellent ingredi flu-vium, neque tamen possent. Et interro-gavi: Quid est hoc, Domini? Responde-

runt mihi: Brevi scies. Duxeruntque me ulterius, & vidi in eodem littore alios qua-tuor, valde tristes, & obrigescentes præ fri-gore, sive contrahentes, & afflitos. Re-petij priorem interrogationem. Et paulo post vidi alios quatuor parvulos, aliquanto ulterius immersos in fluvium, usque ad umbilicum, qui acriter vexabantur à fri-gore. Atque tunc me DEUS illumina-vit, ut intelligerem esse animas Purgatori-j, luentes extra illud in eo loco suas penas.

## §. V.

Ferventia ipsius desideria, liberandi omnes animas Purgatoriij.

**P**er has revelationes DEUS suam fa-mulam vehementissimis incedit desi-derijs, juvandi iſtas animas, liberandique illas omnes, si posset, ex Purgatorio, ut pati-bit ex eo, quod illi evenit, cùm id petetur in festo Assumptæ in Cœlos Beatissime Virginis, postquam ipsi Christus Dominus, ut dictum est (in cap 33. lib: 4.) fuisse dignatus applicare magnos suorum meritorum thesauris, cum potestate, ut corundem posset participare reddere proximos. Paucos post dies, ait, mihi dixit Dominus: Marina, quomodo neglexisti petere, quod tibi obruli præteri-tis diebus, pro te, & pro tuis proximis? Ego, ut quæ nihil minus, quām tale quid, cogitaveram, respondi: Non venit mihi id in mentem. Dominus verò repositus: Eja, pere, quidquid volueris, pro te, & pro quocunque, quia ego tibi id præstabo. Pu-to mihi à Domino fuisse suggestum, ut in-tercederem pro animabus Purgatoriij, & existimabam, bonum fore, si omnes inde liberarem. Dominus intellexit meam cogitationem, ac dixit: Paulatim, Ani-ma, procede pedetentim, petis nimium. Continui me, & dixi: Concedat illis fal-tém tua Majestas mille annos Indulgen-iarum. Dominus autem subjecit: Tem-pera tibi, Soror, multum enim postulas. Petivi minus, dicendo: Concedat illis tua Majestas octingentos annos. Et dicente Domino, esse adhuc multum, dixi: Con-cedat ipsis Tua Majestas ducentos annos Indul-

Indulgentiarum; atque specialiter intercessi pro certis animabus Purgatorij. Sed Dominus respondit: Quomodo tu scis, istas animas ibi esse? Ego, quamvis id à D E O illuminata scirem, respondi Domino: Si ibi non essent, intercedo pro animabus meorum consanguineorum & benefactorum, quae ibi manent, & si illæ non habent opus suffragijs, pro summè egentiibus. Tum mihi Dominus respondit: Modò bene petivisti. Ità fiet, sicut dicas. Et pro vivis, quid petis? addidit Dominus. Ego respondi: Omnibus illis, qui se commendaverunt meis precibus, & meis benefactoribus, atque præsertim duabus personis, quas nominavi, obsecro tuam Majestatem, ut largiatur magnum gratiae, donorumque coelestium augmentū, & præ-

• e a v \* \* e a v  
• e ) H ( a v

## C A P V T III.

Quomodo illi D E US præstiterit gratiam, ut quāvis Sacra Communione liberaret ordinariè quatuor animas ex Purgatorio, & quā ratione liberaverit quasdam, cum circumstantijs sanè admirandis.

**H** Is revelationibus anima-  
ta Mariana, cœpit subve-  
nire animabus Purgatorij,  
orando pro illis, atque offe-  
rendo suas Communiones  
ac afflictiones, & appli-  
cando ipsis indulgentias, quas suis Rosarijs  
potemt consequi. Divina verò Majestas,  
vixijs desiderijs, ipsi in hunc finem contulit  
singulares gratias.

## §. I.

**I** Nsignissima fuit hujusmodi. Die S. Antonij Abbatis (Anno 1615.) inquit, mihi agenti cum D E O, more solito, dixit Divina Majestas, se mihi in Festo hujus Sancti, qui tantopere fuit infestatus à dæmonibus, quandoquidem illi in hoc essem similis, præstirum quandam gratiam, atque etiam ideo, quod Sanctus id ab ipso petivisset. Vidi Dominum confidentem

in throno, circumdatum ab Angelis, in meo cubiculo, quorum duo accesserunt ad Divinam Majestatem, quasi ipsi luentes lumine admirabili, & Dominus scripsit octo schedas paucis literis; quod autem continebant, erat; à Divina Majestate in mei gratiam, libertate donari eo die, octo animas existentes in Purgatorio. Quatuor schedæ fuerunt datæ quatuor Angelis, mihi ordinariè assistentibus, qui illas suscepserunt cum magna reverentia, & osculo, recesseruntque ad suum quisque locum, unde venerant ad eas accipendas. Quatuor animæ liberanda, erant meorum consanguineorum, non tamen parentum, qui jam pridem fruuntur D E O. inter Angelos comparuerunt quatuor pulcherrimi pupuli, quos, à D E O illuminata, cognovi esse beatos puerulos, mortuos statim post Baptismum, priusquam pervenirent ad usum rationis, & hi se collocaverunt ante quatuor dictos Angelos, fue-  
runtque

O o o 3